

Baibuli ey'Abaana
Ekuleeteire

Embaga
ey'Amazuukira
Eyasooka



Eyalughandiika ni: Edward Hughes

Eyakuba ebifaananie ebirimu ni:
Janie Forest; Alastair Paterson

Eyalutuukania n'obweetaavu ni:
Lyn Doerksen

Eyalukyusa mu Lusoga ni: Daudi Waidhuuba

Lutuusibwa ku bantu: Bible for Children
www.M1914.org

©2020 Bible for Children, Inc.

Olukusa: Oli wa idembe okukoopolola oba okukubya mu kyapa
olufumo luno kasita oba nga toja kulutunda.



Ghaaligho omukyala eyali
ayemereire ku mbali
okw'olusozi aghaali
okuleekaana okungi
einho, nga amaiso
ge agaali gaidhwire
enaku gali
kulingirira
ekifo aghaali
ekikolwa
ekyali nga
kitiisa inho.



Nga mutabane ali
kufa! Omuzaire
yali ni Maria,
nga ayemereire
kumpi n'ekifo
ghe baali
bakomerereire
Yesu ku
musalabba.





Ebyo byonabyona
byaidhagho bitya? Yesu
eyali n'obulamu obwali
obulungi butyo
mu kuboneka,
kyaidha kitya
ebyasembayo
okuba ebibi
bityo mu nsambo
etiisa? Nga Katonda
aganha atya Omwana
we okukomererwa ku
musalabba naafiira okwo?





Busa naire!
Katonda tiyalemererwa.
Yesu tiyakola kisobu
kyonakyona. Yesu
ekiseera kyonakyona nga
akiidhi nga abantu ababi
baja kumwita. Yesu ni bwe
yali nga akaali mughere,
omusaadha omukaire ole
ye baayetanga Simeoni yali
amaze okukobera Maria ati
ghaaligho obughafu obwali
buli emberu eyo.



Nga
ghakaabulayo
enaku ntono me
Yesu aitibwe ghaaligho
omukyala eyaidha naayugha
omuzigo ogw'akaghoogho
ku bigere bya Yesu.
Abeegeresebwa ba
Yesu baaduuduuma bati:
"Omukazi ayonoine empiiya.
Aye Yesu yaakoba ati akoze bulungi.
Anziraige." Ebibono ebyo nga tibya buliidho!




Ekyyo nga kighoire Yuda,
owundi ku beegeresebwa
ba Yesu, eikumi n'ababiri
yaaganha okulya mu Yesu
endyege amugheeyo eri
ba kabona abakulu. Nga
olw'ekyyo baja kumusasula
ebikutukutu bya
feeza amakumi
asatu (30).






Ku mbaga ey'Abayudaya
ey'Okubitizibwa ni Iwe yalya
ku kiiwulo n'Abegeresebwa
be omukuzi ogwasembayo.
Yaabakobera ebintu ku
Katonda ebirungi einho
ebyewuunhisa ni ku ebyo
bye yasuubiza abo
abamugonza.






Agho Yesu yaabagha omugaati
boonaboona bagulyeku era
n'ekikopo boonaboona
bakinhweku. Nga ebyo byali
bya kubaidhusanga nti omubiri
gwa Yesu n'omusaayi gwe
byagheebwayo okuleeta
okusoniyibwa okw'ebibi.



Agho Yesu yaakobera bakagwa be ati aja kuliibwamu endyege agheebweyo eri abazigu era abo bakagwa be balumukegho. Petero yeekalangula ati: "Nze tiidha kulumuka gho." Aye Yesu yaamukoba ati: "Enkoko enaaba ekaali kukolyoka nga oneegaaniire emikuzi esatu."





Olumaliira,
mu bwire bwene
obwo, Yesu yaaja
mu isamba e
Gethisemane okusaba.
Abeegeresebwa be
yaja nabo baatenduka.
Yesu yaasaba ati:
"Wo Lata wange, ka
ekikopo kino kinveeku.
Aye ti nga nze bwe
nhenda, aye kyoyenda
kikolebwe."



Baaja okubona nga eikuukuubira
ery'abantu libagwaku eyo mu isamba
ye baali nga abembereiremu ni Yuda.
Yesu ti yaghaghaana, aye Petero
yaasala ku kutu ow'owundi ku
bantu abo. Kasirise,
Yesu yaagema ku
kutu ow'omusaadha
oyo yaamughonia.
Yesu yamanha nga
okugemebwa kwe
kwali mu kwenda
kwa Katonda.



Eikuukuubira eryo lyatwala Yesu mu maka
ag'Omukulu wa ba Kabona. Eyo Abakulembezi
ab'Abayudaya ye baakobera
bati Yesu agwaine afe.
Petero yali ayemereire
kumpi agho n'omuliro
ogw'abagheereza nga
ali kulingirira.




Emikuzi esatu giti nga abantu beekalirisanga
Petero era baamukoba bati: "Iwe walinga ni Yesu!"

Emikuzi esatu giti nga
Petero yeegaana nga
Yesu bwe yamukoba
ati kyaja okukola.
Petero yaataaku
n'okwefuugha,
n'okulaira.




KO-KO-LIYOKO



Mu kaseera keene ako
enkoko mwe yakolyokera.
Gali ng'oti mamiro ga
Katonda eri Petero.
Petero bwe yaidhukira
ebibono bya Yesu, yaalira
amaziga bubi inho.





Yuda yeena yawulira bubi inho.
Yamanha nga Yesu yali aziraku
kibi kyonakyona oba omusango
gwonagwona. Yuda yaizaayo
ebikutukutu bire amakumi
asatu (30) ebya feeza aye
bakabona baaloba
kubitwala.





Yuda yaasuula
empiiya ghansi
yaafuluma
yaaja yeetuga.







Bakabona baatwala Yesu ye
Pilate eyali omufuzi Omuroma.
Pilate yaakoba ati: "Nze tibona
musango ku musaadha ono."

Aye Eikuukuubira
beekalangula
okwasikana bati:
"Mukomerere!
Mukomerere!"



Olumaliira Iwa byonabyona, baikirizisa
Pilate yaasalira Yesu ogw'okufa! Ate
ku musalabba! Abasirukale baakuba
Yesu, baamufuudha mu maiso, era
baamuwaiga enkoba. Mu bukambwe
bwenebwene baazinga agho ekintu
eky'amawa amasongovu era
amaleeyiriri baagamunhigiriza
ku mutwe mbu ngule.

Bwe baamala
baamukomerera
ku musalabba
ogw'omuti afe.



Yesu ekiseera kyonakyoona yali akiidhi nga aja
kufa mu nsambo eyo. Era yaakimanha nga okufa
kwe kuja kuleetagho okusonyibwa okw'ebibi byabo

abamwikiria. Ghaaligho abaiza

emisango emibi einho

babiri abaakomererwa

naye ku buli luuyi. Owundi


ku abo yaikiriza mu

Yesu-omwoyo gwe

gwatwalibwa mu kifo

eky'okwesima. Aye

owundi yaloberayo.



Olumaliira olw'esawa
edhigheraku nga ali
kudaazibwadaazibwa,
Yesu yakoba ati:
"Kighoire."

Era yaafa.
Omulimo gwe
yagumaliriza.
Bakagwabe
baamuziika mu
magombe ag'owundi
ku beene abo.



Abasirukale Abaroma
baata akamanhiso
ku magombe, era
baasigala nga
bagakuuma. Nga
ghazira aghanga
kungirayo oba
okufuluma
okuvaayo.



Nguli olufumo olwo lwali
lukanga agho, kyandibaire
kya naku inho. Aye
Katonda yakola
ekintu ekirungi
ekyewuunhisa.
Yesu tiyasigala
nga mufu!




Mu nkyo einho ku lunaku
olusooka mu saasira, abandi
ku beegeresebwa ba Yesu
baayagaana nga eibaale
eryali ku munwa
ogw'amagombe nga
lyasiringisibwa
lyatoolebwagho.

Bwe
baalengeza munda
baabona nga Yesu
aziramu.



Ghaabaagho omukazi mulala eyasigala
agho gha magombe nga ali kulira.
Yesu yaamubonekera! Yaalumuka
nga musangaavu inho, yairayo
yaakobera bale abeegeresebwa
abandi ati: "YESU MULAMU!
YESU YAVIIREYO MU
BAFU YAIRA!"





Tighaabita kiseera kineene inho Yesu mwene
yaaja y'Abeegeresebwa be yaabooleka obwala
bwe nga mulimu enkovu edh'emisumaali. Kyali
kituufu. YESU YALI KABIRI NGA MULAMU!
Yaasonigha Petero olw'okumwegaana, era yaakoba
Abeegeresebwa be bakobere abantu boonaboona
ebimufaaku. Bwe yamala yairayo mu igulu ye yali
nga ye yaviira ku lule olwa AMAZAALIBWA GA
YESU KURISITO agaasooka'.



Embaga ey'Amazuukira Eyasooka

Olufumo oluva mu Baibuli,
e Kibono kya Katonda,

Lwagaanibwa mu

Matayo 26 - 28; Luka 22 - 24;
Yoanne 13 - 21

"Okwinhongola omuntu ekibono kyo
kimuleetera Obutangaavu." Zabbuli 119:130



Ghano ghe
lukanga



Olufumo olwomu Baibuli luno lutukobera ku Katonda waife omulungi owekitalo eyatukola era ayenda iwe omumanhe.

Katonda aidhi nga tukola ebintu ebibi, Byayeta ekibi. Ekibonerezo olw'okukola ebibi kufa, aye olw'okuba Katonda akugonza inho yasindika Yesu, mutabane omulala ati be dengedenge, okufiira ku musalaba abonerezebwe olwebibi byo. Kabiri Yesu oyo yairamu okuba omulamu era yairayo ekaawe mu igulu! Bwoikiriza mu Yesu oyo era noomusaba akusonighe ebibi byo, akikola! Agho aja kwidha abenga mu iwe, era oidha kubanga mulamu mu ye ebyanda n'ebyanda.

Bwoba ng'oikiriza nga ago n'amazima, koba Katonda oti: Yesu Ow'ekitiisa, Ndhikiriza nga oli Katonda, era nga wafuuka omuntu okufiiririra ebibi byange, era nga buti kabiri oli mulamu. Nkusaba oidhe mu bulamu bwange, onsonighe ebibi byange, mpange okufuna obulamu obuyaaka buti, era olunaku lulala lutuuke ndidhe mbenga niwe ebyanda n'ebyanda. Nhamba okukugonderanga, era mbenga omulamu kulwa iwe ng'omwanawo. Amiina.

Somanga e Baibuli era oyogerenga ni Katonda buliidho!
Yoanne 3:16

